



ԵՐԵՎԱՆԻ ՔԱՂԱՔԱՊԵՏԱՐԱՆ
ՎԱՐՉԱԿԱՆ ԻՐԱՎԱՆԱԽՏՈՒՄՆԵՐԻ ՎԵՐԱԲԵՐՅԱԼ ԳՈՐԾԵՐԻ
ՔՆՆՈՒԹՅԱՆ ԲԱԺԻՆ

ՈՐՈՇՈՒՄ N° Վ- 3/28

«ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ»

ք. Երևան

« 19 » հունվար 2022թ.

1. Վարչական իրավախախտման վերաբերյալ գործի նկարագրությունը.

Երևան քաղաքի Արաբկիր վարչական շրջանի ղեկավարի աշխատակազմի աշխատակից Հ. Շահբազյանի կողմից 06.10.2021 թվականին հայտնաբերվել է «Գովազդի մասին» օրենքի (հետայսու՝ Օրենք¹) 26-րդ հոդվածի 1.1 կետով նախատեսված իրավախախտում, մասնավորապես՝ անհատ ձեռնարկատեր Սրբուհի Վարդանի Գրիգորյանը խուսափել և ժամանակին չի կատարել Երևան քաղաքի Կոմիտասի պողոտայի հ. 46-56/1 հասցեում իր կողմից տեղադրված՝ մոտ 5 քմ մակերեսով «Մելֆիշ» բովանդակությամբ արտաքին գովազդի տեղադրման թույլտվության տեղական տուրքի վճարումից, որի վերաբերյալ 14.10.2021 թվականին կազմվել է վարչական իրավախախտման վերաբերյալ թիվ 001320 արձանագրությունը (հետայսու՝ արձանագրություն):

Որպես իրավախախտման փաստը հաստատող ապացույց, իրավախախտման հայտնաբերման պահին լուսանկարվել է իրավախախտման վայրը:

Հայտնաբերված իրավախախտման փաստով Երևանի քաղաքապետարանի նախաձեռնությամբ հարուցվել է վարչական վարույթ:

Վարչական իրավախախտման գործով հարուցված վարչական վարույթի շրջանակներում գործի փաստական հանգամանքների քննարկմանը անհատ ձեռնարկատեր Սրբուհի Վարդանի Գրիգորյանի մասնակցությունն ապահովելու նպատակով Երևանի քաղաքապետարանի կողմից միջոցներ են ձեռնարկվել անհատ ձեռնարկատեր Սրբուհի Վարդանի Գրիգորյանին Երևանի քաղաքապետարանում կայանալիք նիստերի վերաբերյալ ծանուցելու համար, սակայն ծրարը հետ է վերադարձվել կամ ծանուցագրերը մինչ օրս չեն վերադարձվել, իսկ քաղաքացին չի ներկայացել Երևանի քաղաքապետարան՝ ուստի նկատի ունենալով, որ չի ապահովվել վերջինիս պատշաճ ծանուցումը, հետևապես առկա է իրավական հիմք՝ մինչ անհատ ձեռնարկատեր Սրբուհի Վարդանի Գրիգորյանին պատշաճ ծանուցման փաստի առկայությունը՝ կասեցնել գործի վարույթը:

Հաշվի առնելով, որ Օրենսգրքի դրույթներով չեն կանոնակարգվում վարչական իրավախախտման վերաբերյալ վարույթների կասեցման դեպքերը, հիմքերն ու կարգը, և այդպիսի կարգավորումները սահմանվում են «Վարչական հիմունքների և վարչական վարույթի մասին» օրենքով (հետայսու՝ Օրենք), ուստի ղեկավարվելով Օրենքի 49-րդ հոդվածի 1-ին մասի «բ» կետով՝ 14.10.2021 թվականին կազմված հ. 001320 արձանագրության հիման վրա հարուցված վարչական վարույթը 24.11.2021 թվականի հ. Վ-46/29 որոշմամբ կասեցվել է:

Վարչական իրավախախտման գործով հարուցված վարչական վարույթի շրջանակներում գործի փաստական հանգամանքների քննարկմանը անհատ ձեռնարկատեր Սրբուհի Վարդանի Գրիգորյանի մասնակցությունը ապահովելու նպատակով Երևանի քաղաքապետարանի կողմից կրկին միջոցներ են ձեռնարկվել անհատ ձեռնարկատեր Սրբուհի Վարդանի Գրիգորյանին Երևանի քաղաքապետարանում կայանալիք նիստերի վերաբերյալ ծանուցելու համար, սակայն ծանուցագրերը չեն հանձնվել՝ քաղաքացուն չհայտնաբերելու պատճառով և հետ են վերադարձվել:

Վարչական իրավախախտման գործի վերաբերյալ 12.01.2022 թվականի հ. Վ-2/43 որոշումով

Վարչական իրավախախտման գործի վերաբերյալ 12.01.2022 թվականի հ. Վ-2/51 որոշումով կասեցվել է 14.10.2021 թվականին անհատ ձեռնարկատեր Սրբուհի Վարդանի Գրիգորյանի նկատմամբ կազմված հ. 001320 արձանագրության հիման վրա հարուցված վարչական վարույթը:

Վարչական իրավախախտման գործով հարուցված վարչական վարույթի շրջանակներում գործի փաստական հանգամանքների քննարկմանը անհատ ձեռնարկատեր Սրբուհի Վարդանի Գրիգորյանի մասնակցությունն ապահովելու նպատակով Երևանի քաղաքապետարանի կողմից կրկին միջոցներ են ձեռնարկվել Երևանի քաղաքապետարանում 19.01.2022 թվականին կայանալիք գործի քննությանը ծանուցելու համար:

Անհատ ձեռնարկատեր Սրբուհի Վարդանի Գրիգորյանը (հաշվառման համար՝ 11.04142, ՀՎՀՀ՝ 43050747) ծանուցված լինելով 19.01.2022 թվականին կայանալիք գործի քննության տեղի և ժամանակի մասին անհատ ձեռնարկատեր Սրբուհի Վարդանի Գրիգորյանը չներկայացավ, ուստի Վարչական իրավախախտումների վերաբերյալ օրենսգրքի (հետայսու՝ Օրենսգիրք) 267-րդ հոդվածի 1-ին մասի համաձայն գործը քննվեց վերջինիս բացակայությամբ:

2. Գործի լուծման համար էական նշանակություն ունեցող ապացույցները.

Գործի քննության ընթացքում՝ որպես մեկ համակցություն, հետազոտվեցին արձանագրությունը, Երևան քաղաքի Արաբկիր վարչական շրջանի ղեկավարի տեղակալի 07.10.2021 թվականի հ. 25/012-1016 ծանուցումը, անհատ ձեռնարկատիրոջ պետական գրանցման վկայականի պատճենը, Երևան քաղաքի Արաբկիր վարչական շրջանի ղեկավարի աշխատակազմի աշխատակցի 14.10.2021 թվականի «Բացատրագիր» վերտառությամբ գրությունը, Երևան քաղաքի Արաբկիր վարչական շրջանի ղեկավարի տեղակալի 12.01.2022 թվականի հ. 25/02-1865, 29.11.2021 թվականի հ. 25/02-2183472 գրությունները, Երևան քաղաքի Մալաթիա-Մեքաստիա վարչական շրջանի ղեկավարի 15.12.2021 թվականի հ. 26/04-159112 գրությունը, անհատ ձեռնարկատիրոջ պետական գրանցման վերաբերյալ քաղվածքը և իրավախախտման լուսանկարը:

3. Գործի քննությունն իրականացնող իրավասու պաշտոնատար անձի ներքին համոզմունքներով ձևավորված պատճառաբանությունները և եզրահանգումը.

Գործի փաստական հանգամանքների և դրանում առկա բոլոր ապացույցների բազմակողմանի, լրիվ և օբյեկտիվ հետազոտման արդյունքում հիմնավորվեց, որ անհատ ձեռնարկատեր Սրբուհի Վարդանի Գրիգորյանը՝ հանդիսանալով գովազդակիր, 06.10.2021 թվականի դրությամբ խուսափել և չի կատարել Երևան քաղաքի Կոմիտասի պողոտայի հ. 46-56/1 հասցեում տեղադրված և իր կողմից օգտագործվող՝ «Մելֆիշ, Selfish» բովանդակությամբ արտաքին գովազդի տեղադրման թույլտվության տեղական տուրքի վճարման մասին ծանուցագրի պահանջները:

Անհատ ձեռնարկատեր Սրբուհի Վարդանի Գրիգորյանի կողմից թույլ է տրվել Օրենքի 26-րդ հոդվածով նախատեսված վարչական իրավախախտում:

Հաշվի առնելով, որ անհատ ձեռնարկատեր Սրբուհի Վարդանի Գրիգորյանը չի ներկայացել գործի քննությանը, որի շրջանակներում հնարավորություն ուներ ներկայացնելու բացատրություններ և պարզաբանումներ իրավախախտման հետևանքների վերացրած լինելու մասին, որի վերաբերյալ չի ներկայացվել նաև որևէ գրավոր դիրքորոշում, իսկ վարչական մարմինն իր միջոցներով հնարավորություն չի ունեցել ձեռք բերել այնպիսի փաստական հանգամանքներ, որոնք քննարկվող գործի նկատմամբ առավելապես կարող էին ունենալ զանցանքը մեղմացնող վարչական մարմնի հայեցողական լիազորության իրացման համար, ինչպես նաև հետազոտելով գործում առկա բոլոր նյութերը՝ հետևում է, որ տվյալ դեպքում առկա չէ վարչական իրավախախտման համար պատասխանատվությունը մեղմացնող հանգամանք:

4. Վարչական ակտ ընդունելու իրավական հիմքերը.

Օրենսգրքի 9-րդ հոդվածի համաձայն՝ Վարչական իրավախախտում (զանցանք) է համարվում պետական կամ հասարակական կարգի, սոցիալիստական սեփականության, քաղաքացիների իրավունքների և ազատությունների, կառավարման սահմանված կարգի դեմ ունեցվող հակաիրավական, մեղավոր (դիտավորյալ կամ անգոյշ) այնպիսի գործողությունը կամ անգործությունը, որի համար օրենսդրությամբ նախատեսված է վարչական պատասխանատվություն:

Սույն օրենսգրքով նախատեսված իրավախախտումների համար վարչական պատասխանատվություն առաջանում է, եթե այդ խախտումները իրենց բնույթով քրեական պատասխանատվություն չեն առաջացնում գործող օրենսդրությանը համապատասխան:

Երևանում համաքաղաքային կանոններին համապատասխան համայնքի տարածքում արտաքին գովազդ տեղադրելու թույլտվության պայմանների խախտման մասին իր ծանուցագրերի պահանջների կատարումից խուսափելու կամ ժամանակին չկատարելու համար, ինչպես նաև Երևան քաղաքում առանց արտաքին գովազդ տեղադրելու թույլտվության արտաքին գովազդ տեղադրելու համար:

Օրենքի՝ 26-րդ հոդվածի 2.1.-ին կետի համաձայն՝ գովազդատուները, գովազդ արտադրողները, գովազդակիրները սույն հոդվածի 1.1-ին կետով նախատեսված խախտումների համար կրում են վարչական պատասխանատվություն: Այդ դեպքում Երևանի քաղաքապետն իրավունք ունի նրանց նկատմամբ կիրառելու տուգանք՝ նվազագույն աշխատավարձի մինչև 100-ապատիկի չափով:

Օրենք՝ 1-ին հոդվածի համաձայն՝ սույն օրենքը սահմանում է վարչարարության հիմունքները, կարգավորում է վարչական ակտեր ընդունելու, վարչական ակտերը, վարչական մարմինների գործողությունները և անգործությունը բողոքարկելու, վարչական ակտի կատարման, վարչական ծախսերի, ինչպես նաև վարչարարությամբ հասցված վնասի հատուցման հետ կապված՝ վարչական մարմինների և ֆիզիկական կամ իրավաբանական անձանց (այսուհետ՝ անձինք) միջև ծագած հարաբերությունները:

Օրենք՝ 49-րդ հոդվածի 1-ին մասի «բ» կետի համաձայն՝ վարչական մարմինը պարտավոր է կասեցնել վարչական վարույթը, եթե վարույթին չի ներկայացել վարչական ակտի հասցեատերը, իսկ օրենքը բացառում է առանց նրա ներկայության համապատասխան վարչական ակտ ընդունելը:

Օրենք՝ 49-րդ հոդվածի 3-րդ մասի 2-րդ պարբերության համաձայն՝ սույն հոդվածի 1-ին մասի «բ» և «գ» կետերով, ինչպես նաև 2-րդ մասով նախատեսված դեպքերում վարչական վարույթը վերսկսվում է դրա կասեցման հիմք դարձած հանգամանքները վերանալուց հետո, բայց ոչ ուշ, քան կասեցման մասին որոշում ընդունելու օրվանից հետո 60 օրը լրանալը:

Ելնելով վերոգրյալից և ղեկավարվելով Օրենսգրքի 23-րդ հոդվածի 1-ին մասի 2-րդ կետով, 34-րդ, 252-րդ, 281-րդ և 282-րդ հոդվածներով, Օրենքի՝ 26-րդ հոդվածով, Օրենք՝ 49-րդ հոդվածի 1-ին մասի «բ» կետով, 3-րդ մասով, Երևանի քաղաքապետի 14.02.2020 թվականի թիվ 460-Ա որոշմամբ՝

ՈՐՈՇԵՑԻ

1. Անհատ ձեռնարկատեր Սրբուհի Վարդանի Գրիգորյանի նկատմամբ 12.01.2022 թվականի հ. Վ-2/51 որոշմամբ կասեցված վարչական վարույթը վերսկսել:

2. Անհատ ձեռնարկատեր Սրբուհի Վարդանի Գրիգորյանին Օրենքի՝ 26-րդ հոդվածի 2.1-րդ մասով ենթարկել վարչական պատասխանատվության՝ նշանակելով վարչական տույժ 100.000 (մեկ հարյուր հազար) ՀՀ դրամ գումարի չափով:

3. Օրենսգրքի 305-րդ հոդվածի համաձայն տուգանքը պետք է վճարվի սույն որոշումը իրավախախտում կատարած անձի կողմից ստանալուց ոչ ուշ, քան տասնհինգ օրվա ընթացքում՝ կենտրոնական գանձապետարանի N 900035311100 հաշվեհամարին:

4. Սույն որոշումը կարող է բողոքարկվել վարչական կարգով՝ որոշումն ուժի մեջ մտնելուց հետո երեսուն օրվա ընթացքում, իսկ դատական կարգով՝ երկամսյա ժամկետում:

ԲԱԺՆԻ ՊԵՏ՝

ԱՐԱՍ ԱԲՈՎՅԱՆ

